

AN OFIS EN DEVEZ

====

Gwelet hon eus betek bremañ talvoudegezh hag arouez deizioù ar sizhun. Mont a raimp hiziv da glask peseurt talvoudegezh a zo gant euriou an devez.

Da gentañ, penaos kontañ an euriou? Lenn a reomp er psalm 118 : "Seiz gwech en devez e lidan ho meuleudi". Evel m'hon eus gwelet dija e talv an niver seiz da verkañ kalz a dra, amañ a-dra-sur ne fell ket d'ar psalmer lavarout e ped seiz gwech met meur a wech. Evelkent eo bet kemeret da vat an niver-se gant an Iliz.

Da gentañ ne oa pedet en devez nemet pemp gwech : da nav eur, da greisteiz, da deir eur, da serr-nouz, hep mar e oa e-pad an noz vijelez. Biwezhatoc'h eo bet savet Prima hag e eiladur : komplidoù. Un orin manatiel o deus an euriou-se. Evelkent e oant a-raok Sant Benedd ; eñ en deus peurreizhet anezho. En amzer St Benedd ne oa ket oferenn bemdez ha goude Laodez ez ae ar venec'h da labourat. Buan o deus santet an ezhomm da bediñ a-raok al labour. Ac'hano eo ganet ar bedenn evit al labour ha ne vez ket lavaret da sul (d'an nebeutañ, e breviañ ar Veneadiz) hag a vez dibaret goude Prima.

Eiz eur pedenn a oa eta evelse :

Nos : Vijelez ha laodez.

Deiz : Prima, tersia, seksa, nona.

Serr-nouz : gousperoù ha komplidoù.

Aest-tre eo bet staget Laodez ouz ar Vijelez. Seiz eus pedenn a zo evelse en devez.

Ar Vijelezou a oa pedennoù hir meurbet. Ne vezent ket lavaret gant an holl bemnoz. Met gallout a reer soñjal e vezent lavaret gant ar gristenion deol. Da gentañ e oa ar Vijelezou un niver bennak a psalmoù lavaret e-pad an noz : tregont pe daou-ugent psalm a veze lavaret gant menec'h St Koñomba. Diwezhatoc'h ez eus bet kentelioù, kanou-emrespont, h. a...

Ar Vijelezou a zo pedenn gortoz Hon Salver. En noz emamp hag e splomp ar Sklerijem Gant an Te Deum e salud an Iliz hon Salver o taserc'hiñ.

El Laodez e kavomp soñj an deiz kentañ : ganedigezh ar Sklerijenn. An heol o tont goude an noz. Ar Salver o taserc'hiñ, ar Sklerijenn o sevel. Bepred he deus soñjet

Iliz lakaat el Laodez soñj ar veuleudi evit an Dasorc'h.

Gwechall e oa teir psalm oc'h schuiñ Laodez. An teir psalm-se a oa psa lmoù a veuleudi da ganañ trec'h Hona Salver dasorc'het. Kemmet eo bet gant Pius X (d'an nebeutañ e Brevial Iliz Roma).

Prima a adkrog gant soñj Laodez. Psalmoù a veuleudi, psalmoù a sell ouzh hon Salver, - hervez soñj an deiziou. D'ar gwener da skouer e vez lavaret ar psalm en deus dibunet ar Xst war ar Groaz. Soñj ar Xst dasorc'het a zo e Prima met o kounaet e Basion dremenet.

Ar c'han-emrespont a c'houlenn sikour digant an Aotrou hag a c'houlenn digantañ dont evel an heol da sklerijennañ hol labour :

"O Krist, Mab an Doue bev, ho pet truezh ouzhimp. C'hwil azezet a zehoù da Zoue..^o

Goude psalmoù Prima ez eo bet staget tamm-ha-tamm pedennoù all : ar bedenn evit al labour, menegadur ar sent. En ofis koz Prima ez ae ar venec'h goude ar genbedenn en ur sal kichen da selaou ur sarmon berr bennak graet gant ur manac'h. D'ar pred-se e oa karget pep unan eus al labour d'ober e-pad an devez, lennet e veze ivez ur pennad e Levr ar Verzerion, un pennad eus ar Reolenn. Goude se e vez lenne ar gantel verr.

Tersia, Seksa ha Nona a zo pazennoù a-hed an devez.

Tersia a zo leun a lusk e soñj al labour da gas war raok. Tersia a zo ar c'houlz ma savz an deiz da vat. Emañ an heol o vent gant e hent. Soñj al lusk, ar sav a zo enxeur-se. Al lusk a zo ar c'hresk da c'honit en hor buhez speredel. Met harp a zo ezhoñ evit mont, ha penaos gonit? .. : gant harp ar C'hres, gant harp ar Spered. Soñj ar Spered a zo stag ouzh Tersia :

"Deuit ennomp, o Spered Glan,

Deuit buan 'n hor c'halenoù,

Lusker nerzhus, buhez ha tan

Ha graalser hon eneoù.

ha soñj e efedoù en ene :

"Lakit ar feiz da dregerniñ

En hor c'homzoù, en hor buhez

Hag en hon ober da skediñ

Splander yaouank ar gantantez.

D'an trede eur eo diskennet ar Spered war an Ebestel. Goude donedigezh ar Spered eo kreñvaet feiz an Ebestel, en un doare ken splann m'en em lakaont da brezeg war an tael. A-raok e oant laosk : eñ eo a laka o feiz da dregerniñ.

Soñj ar garantez a zo ivez e Tersia. Karantez a zo ret d'an Ebestel da vont da brezeg. I a zo embannerion ar Garantez, mont a reont da Ziskouez ar Garantez dre nerzh ar Spered. Lavaret e vo diwar o fenn : Ne oant nemet ur galon, ur spered" ha dre se e vo diskouezet karantez.

Kavout a reomp er Meulgan soñj ar Spered hag al lusk a vo roet dimp gantañ ^{a chom en Doue} ~~met~~ petra 'lakaio ar Spered ennomp? Ar respont a zo er pennadig :

"Karantez eo Doue hag an hini a chom er garantez en Doue ^{a chom en Doue} ha Doue ennañ".

Dont a raio ar Spered da lakaat ennomp karantez. Stardet e vo drezañ al liamm a zo etrezomp ha Doue.

Da eur Tersia e kresk an deiz. An heol a sav. Soñj ar c'hresk a gavimp eta er c'han-emrespont :

"Dedennit va c'han, Aotrou, da garout ho tivizadurioù. Distroit va daoulagad na sellin ket ouzh ar lorc'hachoù, gant hoc'h hent (ar c'hresk a zo o vont gant an hent) roit din buhez".

An devez a zo an hent digor e t'heomp sevel drezañ davet an Aotrou. Ezhomm hon eus bezañ glanaet gant ar Spered da vont war-raok hag e c'hellimp pignat gant hent an devez.

An hevelap soñjoù a vez kavet en Ofis ar sizhun : soñj al lusk, ar sav, ar c'hresk, an harp, an hent :

"Va fareit, Aotrou, ha yac'haet e vin, va salvet ha salvet e vin.."

"Bezit va skoaseller, n'am dilezit ket.."

"Deuit evit hon dieubiñ, Aotrou, Doue ar galloudoù".

Seksa a zo kreisteiz hag enni soñj al leunder. Barr an heol, barr an devez, barr ar garantez. Leuñ eo ar sav, leuñ eo an devez. Ar barr a zo ur poent, ar poent uhelañ n'a ket na war sav, na war ziskar. An deiz a chom evel a-sav.

Eur Seksa a sell ouzh ar beurbadelezh ma 'z omp antreet enni dija en spered. Seksa a zo sur ar Garantez rak Karantez a zo barr :

"Doue divrall war al leinoù

"Hag a c'houarn tro an amzer.

Doue a zo war varr an amzer. Ni a eo evel antreet gant barrê an devez e barr ar beurbadelezh hag e anavezomp petra eo ar vuhez doueel ;. Ha petra eo?... Karantez ez eo :

"Roit flammed ar garantez

" Ha peoc'h neñvel d'hon eneoù.

Ar garantez a zo ar c'has da benn ha kavout a raimp neuze anêj ar soñj-se en eur Seksa :

" Dougit ho sammou an eil d'egile, hag evelse e kasfot da benn lezenn ar Xet".

Er gan-emrespont eo stabiled an Aotrou a vez komzet diwar he fenn :

"Da vîkñ, Aotrou, e chom divrall ho komzoù. E kantvedoù ar c'hantvedoù ho fealded".

Soñjoù heñvel a zo en ofis ar Sizun :

"Na dleit netra da zen, nemet en em garout en eil egile. Rak an hini a gar e nesañ a gas al lezenn da benn".

Da eur Nona emañ an deiz war ziskar ha gantañ ni a ziskenn. Diskar ank heol eo. N'hellomp ket chom war varr. N'om ket antreet c'hoazh er beurbadelezh. En amzer emamp hag en desped dimp ez omp sachet ganti. D'an nebutañ hor c'horf a zo sachet. Goulenn a reomp gant Nona e chomo hor spered war ar barr hag. Ar soñj-se a vez kavet er Meulgan : An Aotrou a zo en e beoc'h neñvel e-keit ma tro an traoù :

Sett ma tro kerzh an amzer

Met c'hwil a chom, Doue krouer

Digemm ho nerzh hag ho trantiz

O ren ar bed diouzh ho tiviz.

An deiz a ziskar met ni a dle kenderc'hel gant an hent. An amzer, ar c'horf a ziskar, pignat a dle ober ar spered:

E-pad ma wana nerzh an deiz,

Eveskit ennomp sklaerder ar feiz

Dimp da dizout goude mervel

Ho klear divrall en peurbadel.

Siwazh omp bet lousaet o kerzhout. Poultrenn ha fank an hent o deus t aget ach'anomp. Daoust d'hor youl mat omp bet pec'her. En em droomp war du an Aotrou o c'houlemp pardon digantañ, ha gouezomp :

"n'omp ket bet dasprenet gant danveziou kollus, arc'hant peh aour, met gant ur gwad prizius evel hini an oan dinamm : ar Xst."

Gant an heol o tiskar n'eus ket da zistanañ. Nerzh ar Spered a zo ezhomm muloc'h-mui. Marteze e vijemp techet da vezañ laoskoc'h met gouezomp omp "bet dasprenet a briz bras".

"Derc'hel a rin d'ho tivizadurioù" met ezhomm an eus da genderc'hel ha samm an devez a zo deuet da vezañ pounner. An droug a glask en em silañ :

"Ouzh an droug a-ziavaez, mirit ho servijer .."

Savomp a spered ha kendalc'homp gant hon hent, met "hon dasprenit, Aotrou hag ho pet truez ouzhimp. Chamet eo hon treid en hent reizh. Evelkent ho pet truez ouzhimp". Soñj an daspren gant ar pedennoù-se.

Er sizhun ec'h adkavomp an hevelep soñjoù er gerioù-mañ : Daspren, adsav, harp,

Ar Gousperoù a zo ul lodenn pennañ eus ofis an devez. Seblant a reont bezañ koz-tre. Euz ar veuleudi eo ar Gousperoù : ar sakrifis d'abardaez. Kavout a reomp enno soñj ar veuleudi dleet d'an Tad evit mister ar Xst penn-da-benn, ha d'ar Xst bremañ leun a glod hag a vuhez en Neñv. N'eus ket da sellout ouzh an daspren evel na vije ket kaset da benn. Nann.. graet eo. Ar Gousperoù ar zo ar veuleudi da vister ar Xst penna-da-benn : d'e ziskouezidigezh evel d'e nerzh ha d'e c'halloud diabarzh. Derc'hel a ra ar Gousperoù holl mister ar Xst en e bez, soñj eus ar misterioù a zo lidet gant an Oferenn : an Daspren hag an Dasorc'h. Respont a reont da veuleudi ar beure. Anat mat eo e kan ar C'hantik Magnifikat : Va ene a ganmeul braster an Aotrou.. Hag o tisplegañ ar c'hantik en un doare ledan e lennomp e-barz : klod an Tad, klod H. Salver, klod ar Werc'hez, klod an Iliz, Klod an eneoù.

En ofis ar sizhun e kavomp er Meulgan soñj an amzer, soñj an Istor m'eo betk enni sakrifis H. S. ar peh pennañ.

Soñj ar Goan diwezhañ a zo ivez er Gousperoù. Evel m'eo bet staget an daou dra er vuhez eo kenstag soñj ar Sakrifis ouzh soñj ar Goan diwezhañ. Ha soñj hon eus e oa lavaret gwechall an Oferenn d'an noz. Pegen kaer da gristenion wechall konaat soñj ar Goan Diwezhañ a-raok lidañ an Oferenn. Ha pegen dibabet mat ar psalmoù ~~dkk~~ kanet d'ar gousperoù evit lidañ trugarez an Aotrou deuet d'hon dasprenañ :

(Roet en deus ur boued d'ar re a zouj anezañ

Derc'hel a raio soñj eus e emglev da viken.

"Kanmeulit an Aotrou dre ma 'z eo mat

Dre maz eo peurbad e drugarez.

D'ar mare-se ma vez kanet bremañ ar gousperoù e oa ar Xst war ar groaz. An Hini a zo ar Veuleudi e-unan d'an Tad a oa o vervel. E-pad ar mañvez-se a zo betek ar serr-noz, betek ma voe diskennet eus ar Groaz, profomp d'an Tad, dre gan ar Gousperoù mennadoù kalon H. S. war ar Groaz.

Ar C'homplidoù a zo pedenn an noz. Dont a ra an noz, na drec'ho ket warnomp noz an Ifern: Grit na c'honezo ket an deñvaalijenn war hon ene ha ma chomo hor spered en ho sklerijenn-c'hwi:

Soñj an harp, ar skoazell a zo e kan ar C'homplidoù. Mont a reomp da gousket, ne vo ken hor spered warevezh, met eñ Doue ne gousko ket : bezit hon gward ha war evezh evidomp (ar ger latin : custodia a laka ennomp soñj ar gward-se) :

"A-raok ma echuo an deiz

Hoc'h aspedomp, Krouer ar bed,

Da reiñ dimp en ho trugarezh

Difenn ho kras ouzh ar pec'hed.

En teir psalm a vez kanet n'eus ano nemet eus ar fiziañ, o 'n em lakaat etre daouarn an Aotrou, dreist-holl an daou gentañ. An trede psalm a ro soñj dimp eus Doue o chom en Neñv hag a die ar veuleudi mont betek ennañ.

Kaset e vo dimp, gant an Aotrou, an Aeled da veilhañ war hon tro, da xix chom ganimp ha d'hon diwall diouzh an droug, diouzh an Drouk-Ael

"Ra zeuio hoc'h Aeled sakr da chom ennan, d'hon diwall en ho peoc'h.."

Gant an antifonnenn eo ar Werc'hez a zo galvet da zont ivez d'hon mirout ha d'hon diwall.

Sioul hor c'houk, hor spered e peoc'h an Aotrou, e c'hellimp kousket rak tud an Neñv, hon eus fiziet enno a vo hon difennourion.

=====
=====
=====